

Кеден органдары тәргілеген және мемлекет пайдасына алған басқа да мүлікті есепке алу, бағалау және өткеру тәртібі жөніндегі ережені бекіту туралы

Күшін жойған

Қазақстан Республикасы Министрлер Кабинетінің Қаулысы 2 шілде 1992 ж. N 574. Күші жойылды - Қазақстан Министрлер Кабинетінің 1994.04.04. N 322 қаулысымен.

Қазақстан Республикасының Министрлер Кабинеті қаулы етеді:

1. Кеден органдары тәргілеген және мемлекет пайдасына алған басқа да мүлікті есепке алу, бағалау және өткеру тәртібі туралы осыған қосылған Ереже бекітілсін.

2. Қазақстан Республикасының Кеден комитеті Қазақстан Республикасының Қаржы министрлігімен және бас салық инспекциясымен келісе отырып, бір ай мерзімде осы Ережені қолдану тәртібі туралы нұсқауды әзірлесін.

Қазақстан Республикасының

Премьер-министрі

Қазақстан Республикасы

Министрлер Кабинетінің

1992 жылғы 2 шілдедегі

N 574 қаулысымен

Бекітілді

Кеден органдары арқылы мемлекет пайдасына алынып
тәргіленген және басқа да мүліктерді есепке алу,
бағалау және өткеру тәртібі туралы Ереже

I. Жалпы Ережелер

Бұл Ережелер кеден органдарының шешімі бойынша мемлекет пайдасына алынып, тәргіленген мүліктерге және басқа мүліктерге оның ішінде асыл металдардан жасалған зергерлік және тұрмыстық бұйымдарға, осы металдардан қондырма салынған және салынбаған, асыл және жартылай асыл тастарға, кедендерден және еркін кеден қоймаларынан мерзімінде сұралмаған тауарларға, заттарға, көлік құралдарына және басқа мүлікке қолданылады.

Контрабанда туралы істер жөніндегі кеденнің қаулысы негізінде тәргіленіп, мемлекет меншігіне айналдырылған мүліктер оның ішінде асыл металдардан жасалған тұрмыстық бұйымдарды, асыл және жартылай асыл тастардан жасалған бұйымдарды қосқанда, Қазақстан Республикасы Кеден комитеті жанындағы

республикалық сыртқы экономикалық бірлестік ұйымдастыратын аукциондарда сатылады <*> .

<*> Бұдан былай "Қазсыртқытерминал" деп аталады.

II. Мүлікті есепке алу және сақтау

Осы Ереженің 1 тармағында көрсетілген мүлікті есепке алу және күзету мүлікті акті бойынша "Қазсыртқытерминал" бірлестігіне өткізгенге дейінгі мерзімде Қазақстан Республикасының Кеден комитетіне жүктеледі.

Осы Ереженің 1 тармағында көрсетілген мүліктер кеден органдары арқылы акті бойынша "Қазсыртқытерминал" бірлестігіне беріледі, актінің бір данасы 10 күн мерзім ішінде Қазақстан Республикасының Бас салық инспекциясына жіберіледі.

Мүлікті есепке алу мен күзету шараларын "Қазсыртқытерминал" бірлестігі Қазақстан Республикасының Кеден комитеті Қазақстан Республикасының Қаржы министрлігімен және Бас салық инспекциясымен келісіп белгілеген тәртіп бойынша жүзеге асырады.

III. Мүлікті бағалау және өткізу

Тәргіленген, сұралмаған, мемлекет пайдасына алынған мүлікті бағалауды құрамына салық органы мен мүлік есепке алынған күннен кейін 10 күн мерзім ішінде өткізуге берілетін ұйымның өкілдері кіретін комиссия жүргізеді.

Қажет жағдайларда комиссия жекелеген заттарды бағалау үшін сарапшы-мамандарды шақырады.

"Қазсыртқытерминал" бірлестігі өткізу үшін қабылдап алған мүлік оның сапасы, ескіріп тозуы (бастапқы тағайындалған бағасы) ескеріліп, еркін (нарықтық) баға бойынша бағаланады.

Кеден аукциондарында тауарлар сату жеке адамдарға (оның ішінде шетелдіктерге) қолма-қол немесе Қазақстан Республикасының коммерциялық банктерінің чектері арқылы, сондай-ақ кәсіпорындарға, ұйымдарға, мекемелерге және кооперативтерге есепке ақша аудару арқылы жүзеге асырылады.

Тауарларды бастапқы тағайындалған бағасынан арзанға сатуға жол берілмейді.

Аукционда сатып алынған тауарларға (лоттарға) ақшаны жеке адамдар қолма-қол немесе Қазақстан Республикасы коммерциялық банктерінің чегімен (есеп айырысу кітапшасымен) төлейді. Шетелдік сатып алушылармен есеп айырысу кез келген сомаға тек өтімді валютамен ғана жүргізіледі.

Аукционда сатылып алынған мүлік сатып алушылардан кері қабылданбайды.

Аукционда сатылмаған тауарларды "Қазсыртқытерминал" бірлестігі өзінің сауда жүйесі арқылы сатады.

Тарихи, ғылыми, көркем құндылығы бар заттар, кеңес және шетел валюталарындағы ақша сомалары, шетелдік валютадағы төлем құжаттары мен қор қазыналары, оларды тұрақты валютаға айналдыру хұқы бар, шетел валюталарына сатып алынған соммен көрсетілген банктің төлем құжаттары, ішкі ұтыс займдарының облигациялары, діни рәсім заттары аукцион арқылы сатуға жатпайды және оларды бағалауды және пайдалануды Қазақстан Республикасының Қаржы министрлігі Қазақстан Республикасының Бас салық инспекциясы мен мемлекеттік мүлік жөніндегі мемлекеттік комитетімен келісе отырып белгіленген тәртіп бойынша жүзеге асырады.

IV. Аукциондарда сатылған тауарлардан түскен кірісті бөлу

Аукционда тауарларды өткізуден түскен қаржының;
80 проценті республикалық бюджеттің кірісіне;
10 проценті Қазақстан Республикасы Кеден комитетінің кірісіне;
10 проценті аукционды өткізген ұйымның кірісіне түседі.
Аукционды әзірлеу және өткізу барысындағы қаржы операцияларына бақылауды жергілікті қаржы органдары мен салық инспекциялары жүзеге асырады.

"Қазсыртқытерминал" бірлестігі белгіленген тәртіп бойынша қаржы есебін береді.

V. Мемлекеттік салық инспекциялары мен "Қазсыртқытерминал" бірлестігінің лауазымды адамдарының іс-әрекеттеріне шағым жасау

Аукцион комиссияларының іс-әрекеттеріне шағымдар, өтініштер және аукционға қатысушылардың басқа да даулы мәселелері "Қазсыртқытерминал" бірлестігіне немесе аукционды өткізуші басқа да кеден органдарына табыс етіледі. Олардың шешіміне Қазақстан Республикасының Кеден комитетіне шағым жасауға болады. Өтініштер 15 күн мерзім ішінде қаралып, олар бойынша шешім қабылдануға және жауап қайтарылуға тиіс.

Аукционды өткізген лауазымды адамдардың заңсыз іс-әрекеттері жөнінде Қазақстан Республикасының қазіргі қолданылып жүрген заңдарында белгіленген тәртіп бойынша сотқа шағым жасалады.

Аукцион комиссиясы құзырлы ұйымдарға, оның ішінде салық ұйымдарына аукционда товарлар сатып алған адамдар туралы мағлұмат беруге хұқылы.

Осы Ережені қолдану жөніндегі нұсқауды Қазақстан Республикасының Кеден комитеті Қазақстан Республикасының Қаржы министрлігімен, Мемлекеттік салық инспекцияларымен келісе отырып әзірлейді.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК